

Uunga siunnersuut: Nioqqutissanik eqqussuinermi akitsuutit pillugit Inatsisartut inatsisaata allangortinneqarneranik Inatsisartut inatsisaat nr. xx, xXx 2016-imeersoq
(Erngup puiaasamiittup imigassallu koffeinimik akullit akitsuutaat kiisalu kingumut atortussanngortitsinermik atorunnaarsitsineq.)

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerreqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens Imanuelsen, Siumut, siulittaasoq
Inatsisartunut ilaasortaq Sara Olsvig, Inuit Ataqatigiit, siulittaasup tullia
Inatsisartunut ilaasortaq Steen Lyngé, Atassut,
Inatsisartunut ilaasortaq Jess Svane, Siumut
Inatsisartunut ilaasortaq Tillie Martinussen, Demokraatit
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Aqqaluaq B. Egede, Inuit Ataqatigiit

Ulloq 18. april 2016-imi siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Siunnersuut una marlunnik paragraffeqarpoq. Siullermi pineqarpoq imeruusaatit koffeinitallit kiisalu erngup eqqussap eqqussuinermi nutaamik akitsuusernissaat pillugu siunnersuut. Aappaani pineqarpoq "sukkunut akitsuummumut" ulloq 17. november 2015-imi akuerineqartumut aammalu ulloq 20. august 2015-imi atuutilersumut tunngatillugu akitsuusiineq piffissami 20. augustimit 23. november 2015-imut atuussimappat akitsuutip atuutinnginnissaanik siunnersuut. Tamatuma kingunerisaanik akitsuutit piffissami taaneqartumi akilernerqarsimasut utertinneqassapput. 2016-imut aningaasanut inatsit pillugu partiit isumaqatigiissutaannik inatsisissatut siunnersuut aallaaveqartoq Naalakkersuisut ilanngullugu paasissutissiissutigaat.

2. Siunnersuutip Inatsisartunit siullermeerneqarnera

Siunnersuut partiinit tunngaviusumik tapersernejarpog. Erseqqissaatiginejarpeg peqqinnissamut avatangiisnullu tunngasut partiit inatsisissatut siunnersuummik tapersiinerannut pingaarnertut tunngaviusut. Tamanna eqqaassanngikkaanni akitsuutinik nalinginnaasumik atuutilersitsisarnej tunngaviusumik akerlerigitsik Demokraatit Atassutillu oqaatigaat.

Inatsisartut ataatsimiittarfianni isumaqatigiinniarnep ilarujussua siunnersuutip saqqummiunneqarnissaa sioqqullugu pisimasut pillugit oqalliffiuvoq. Oqallinnermi pinejarpeg siunnersuutip ilaa ”sukkunut akitsuummot” tunngasoq. Tatiginninnginnermik siunnersuummik tunniussisojarpeg, taannalu pinngitsoortitsinissamik siunnersuuteqarnikkut itigartinnejarpog, taamaalillunilu siunnersuummik matuminnga suliarinninnej ingerlaqqissinnaalerpeg siunnersuullu ataatsimiititaliamit suliarineqartussanngorlugu innersuunnejarluni.

3. Tusarniaanermut akissutit

Inatsisissatut siunnersuummi § 2 tusarniutigineqarsimanngilaq. Piffissami 7. december 2015-imit 13. januar 2016-imut, tassa sapaatit akunnerini tallimani tusarniaasoqarsimasoq ataatsimiititaliap paasivaa. Juullip nalaani nalliuttut suliami matumani isiginiarneqarsimasut ataatsimiititaliamit takuneqarsinnaavoq. Taamaaliornikkut tusarniaaffigineqartut ullunik suliffinik pisariaqartunik atugassinneqarsimassasut ataatsimiititaliamit neriuutiginejarpeg.

4. Ataatsimiititaliap siunnersuummik suliarinninnera

Tusarniaanermut akissutinut Naalakkersuisut oqaaseqaataasigut ataatsimiititaliamit paasinejarpeg nunatta karsiata naatsorsuutaanik pitsanngorsaanaasq matuminnga siunnersuuteqarnermi siunertarineqartoq. Atuinerup annikillisinneqarnissaanik, taamaalillunilu innuttaasut peqqissusiannik pitsanngorsaanaasamik kissaateqarneq imigassat koffeinimik akullit akitsuuteqalersinneqarnissaanik siunnersuummut tunngavilersuutiginejarpeg. Kiisalu ilaatigut nunatta karsiata annertunerusumik iluanaaruteqarnissaanik ilaatigullu puiaasanik plastikinik puiaasanut utertittakkanut ilaannigitsunik atuinerup annikillisinneqarnissaanik, taamaalillunilu avatangiisit pitsanngortinneqarnissaanik kissaateqarneq erngup eqqussap akitsuuteqalersinneqarnissaanik siunnersuummut tunngavilersuutiginejarput.

Siunnersuutip matuma imara ”sukkunut akitsuutip” ulloq 17. november 2015-imi akuerineqartup aammalu ulloq 20. august 2015-imi atuutilersup piffissami allami atuutilersinneqarnissaanik siunnersuut. Ataatsimiititaliap paasinninnera malillugu akitsuusiineq piffissami 20. augustimit 23. november 2015-imut atuussimappat eqqussuinnermi akitsuutit atuutinninnissaanik Naalakkersuisut matuminnga siunnersuuteqarnerannut tunngavigineqartoq tassaavoq ulloq 20. august atuutilersitsinissaq naapertuunnersoq pillugu oqallinneq. Tassunga atatillugu ataatsimiititaliamit oqaatigineqassaaq siunnersuutip Inatsisartunit isumaqatigiinniutigineqarnerani atuutilerfissatut siunnersuutigineqartumut allannguutissatut siunnersuummik saqqummiussisoqanngimmat. Inatsisissatut siunnersuutikkut ugguuna inatsisip atuutiler-

fissaata allanngortinneqarnissaa kissaatigineqarpoq, taamaalilluni inatsit ulloq 24. november 2015-imi atuutilersillugu.

Tamanna tunngavigalugu inatsisip atuutilerfissaata inatsisissatut siunnersuutip Inatsisartunut ulloq saqqummiunneqarfianut aalajangiunneqarnissaanut, taamaalillunilu inatsisip qaqugu atuutilernissaanut nalinginnaasumik aalajangersakkat saneqqunneqarnissaannut pissutsit suut pisariaqalersitsinersut siunissami isumaliutigeqqissaarneqartarnissaa ataatsimiititaliap Naalakkersuisunut kaammattuutigissavaa.

5. Siunnersuutip aningaasatigut kingunissai

Siunnersuummi saqqummiunneqartumit allaanerusumik naliliinissamut tunngavissat pigineqartut aallaavigalugit ataatsimiititaliaq tunngavissaqarsorinngilaq.

6. Ataatsimiititaliap inassuteqaataa

Tamanna tunngavigalugu **Aningaasaqarnermut Akileraartarnermullu Ataatsimiititaliami amerlanerussuteqartut Siumup, Demokraatit Atassutillu ilaasortaataa inassutigaat** siunnersuut Inatsisartunit akuerineqassasoq.

Aningaasaqarnermut Akileraartarnermullu Ataatsimiititaliami ikinnerussuteqartut Inuit Ataqtigiit ilaasortaataa ikinnerussuteqarluni oqaaseqaat imaattoq saqqummiuppaat:

Inuit Ataqtigiit nioqqutissanik eqqussinermi akitsuutit pillugit Inatsisartut inatsisaata, erngup puiaasamiittup imigassallu koffeinimik akullit akitsuutaat sukkunullu akitsuummik kingumut atortussanngortitsinermik atorunnaarsitsinermut tunngasumut ima ikinnerussuteqarluta oqaaseqaateqassaagut.

Inuit Ataqtigiit erngup puiaasamiittup nunatsinnut eqqussap imigassallu koffeinimik akullit akitsuuserneqarnissaat iluarisimaarparput, akitsuutit pineqartut avatangiisinut inuillu peqqissusaannut iluaqutaasussaasutut isigigatsigit.

Ergulli puiaasamiittup akitsuusernissaanut suliap naammassinnginnerani ilanngullugu paasi-niarumagaluarparput imermik nunatsinneersumik avammut assartorneqareersumik utimullu puiaasamut immiunneqarsimalluni eqqunneqartoq qanoq eqqugaassanersoq. Eqqumaffigeq-quarput erngup nunatsinneersup nioqqutiginiarnerani eqquinerlunnaaveersaartariaqaratta apeqquserparpullu naammattumik kingunissai qulaajarneqarsimanersut.

Immikkoortumi matumani sukkunut allanullu akitsuutip atuutilerfissaa pillugu Naalakker-suisut paasiuminaatsumik paatsoornartumillu suleriaaseqarnerat isornartorsiorparput sakkor-tuumillu inassutigaarput akitsuutit eqqunneqassatillugit suleriaaseq atorneqartarsimasoq, ullormut atuutsilersitsilluni, uterfigineqassasoq. Ilanngullugu isornartorsiorparput Naalakker-suisut sukkunut akitsuut pillugu paasissutissanik naammangitsunik arlaleriarlutik

saqqummiussimmata, ilaatigut ukiami 2015-mili tusagassiutitigut allatigullu tikkuar-neqartarsimasoq, tassalu kioskiutillit pisiniarfeeraatillillu akitsuummik sakkortuumik aamma eqqugaasussaanagerat, ilumuunnginnerarlugu ingerlatseqatigiiffiit annerit taamaallaat eqqu-gaasussatut nalunaarsoqqaaraluaramikkit. Isumaqarpugut susassaarfimmu Naalakkersuisup ilisimareertariaqaraluarat paasinngitsoorsimasinnaanngikkaallu kikkut akitsuummik eqqu-gaasussaannersut.


Taamaammat Inuit Ataqtigiit immikoortumik siullermeerinninnermi sakkortuumik isor-nartorsiuvugut. Ujartorparput paasinartumik paatsoortitsinngittumillu Naalakkersuisut saq-qummiussisarnissaminnik akisussaaffimminnik pingaartitsinerunissaat.

Akuersaanngilarput suliaq taama tukatsigisumik ingerlanneqarsimammat apeqquuserparpullu qulaajagassat tamakkerlugit naammattumik qulaajarneqarsimangersut. Sukkunut akitsuutip kingumut atuukkunnaarsinneqarnera iluarisimaaraluarlutigu, pisiniarfeeraatillit eqqugaasus-saagaluarnerat pequtigalugu, Nunatta Karsiananiut aningaasarpassuarnik aamma kinguner-luttussaammat eqqaatitsissutigaarput.


Suliap Naalakkersuisunit tukattumik paatsoornartumillu ingerlanneqarsimanera tunngavi-galugu Inuit Ataqtigiit siunnersuut itigartipparput.

Tamanna tunngavigalugu **Aningaasaqarnermut Akileraartarnermullu Ataatsimiititaliami ikinnerussuteqartut Inuit Ataqtigiit ilaasortaataasa inassutigaat** siunnersuut Inatsisartunit itigartinneqassasoq.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Jens Immanuelson,
siulittaasoq




Aqqaluaq B. Egede,
siulittaasup tullia



Jess Svane



Steen Lynge



Tillie Martinussen



Peter Olsen



Sara Olsvig